



Broj: 07-45-4702/22
Sarajevo, 27.10.2022. god.

Na osnovu člana 20. Zakona o državnoj službi u Kantonu Sarajevo ("Službene novine KS", broj: 31/16), člana 18. stav (1) i člana 25. Zakona o javnim nabavkama („Službeni glasnik BiH“ br. 39/14 i 59/22), Plana javnih nabavki Zavoda za planiranje razvoja Kantona Sarajevo za 2022. godinu, broj: 07-45-897/22 od 28.02.2022. godine, Prve izmjene i dopune Plana nabavki za 2022. godinu, br. 07-45-897/22 od 03.08.2022. godine, te Druge izmjene i dopune Plana nabavki za 2022. godinu, br. 07-45-897/22 od 05.10.2022. godine, Direktor Zavoda za planiranje razvoja Kantona Sarajevo, donosi

O D L U K U

o pokretanju postupka javne nabavke usluge „IZNAJMLJIVANJE LICENCI MICROSOFT DEFENDER FOR BUSINESS“ za potrebe Zavoda za planiranje razvoja Kantona Sarajevo putem otvorenog postupka provođenjem e-Aukcije

Član 1.

Odobravam da se, shodno članu 25. Zakona o javnim nabavkama pristupi nabavci usluge „Iznajmljivanje licenci Microsoft Defender for Business“ za potrebe Zavoda za planiranje razvoja Kantona Sarajevo, putem otvorenog postupka.

- CODE 72210000-0 Usluge programiranja paketa programske podrške (softverskih paketa)
- Procijenjena vrijednost javne nabavke, bez PDV-a (17%) cca 8.500,00 KM, za 2 (dvije) godine 17.000,00 KM.
- Količina: 100 kom. na period od 2 godine.
- Plaćanje iz Budžeta KS za 2022. i 2023. godinu, razdjel 27, ekonomski kod 821500 – Nabavka stalnih sredstava u obliku prava.
- Provest će se e-aukcija.

Član 2.

Izbor ponude za realizaciju nabavke usluge „Iznajmljivanje licenci Microsoft Defender for Business“ iz člana 1. ove Odluke izvršit će Komisija za javne nabavke isključivo na osnovu najniže cijene tehnički zadovoljavajućih, prihvatljivih ponuda u skladu sa članom 64. stav (1), tačka b) Zakona o javnim nabavkama („Službeni glasnik Bosne i Hercegovine“ br. 39/14 i 59/22) i Pravilnikom o uslovima i načinu korištenja e-Aukcije ("Službeni glasnik BiH" broj 66/16).

Član 3.

Za provođenje ove Odluke zadužuje se Komisija za javne nabavke.

Član 4.

Ova Odluka stupa na snagu danom donošenja.

O b r a z l o ž e n j e

Zbog povećanog intenziteta cyber napada na sve državne institucije u BiH, pa samim tim i Zavod za planiranje razvoja Kantona Sarajevo, neophodno je unaprijediti sistem zaštite od malicioznih software-a i od neželjene E-pošte. S tim u vezi neophodno je izvršiti nabavku „Iznajmljivanje licenci Microsoft Defender for Business“ za sve korisnike u Zavodu za planiranje razvoja Kantona Sarajevo, te za Serverske operativne sisteme.

Predmet nabavke nije djeljiv na LOT-ove.

Shodno Odluci o radnoj stanici u Kantonu Sarajevo („Službene novine Kantona Sarajevo“, broj: 32/21), za nabavku usluge „Iznajmljivanje licenci Microsoft Defender for Business“ za potrebe Zavoda za planiranje razvoja Kantona Sarajevo, Sektor za GIS je pribavio pozitivno Mišljenje Zavoda za informatiku i statistiku Kantona Sarajevo, broj: 26-04-5885-9/22 od 17.10.2022. godine, te inicira pokretanje postupka predmetne nabavke.

Sektor za GIS Zavoda za planiranje razvoja Kantona Sarajevo je izradio Projektni zadatak, izvršio detaljnu analizu, te predmetnu nabavku smatra neophodnom.

Komisija za javne nabavke formirat će se od zaposlenika Sektora za GIS Zavoda za planiranje razvoja Kantona Sarajevo, koji posjeduju relevantna stručna znanja i koja će, shodno Zakonu učestvovati u pripremi tenderske dokumentacije, odabrati i predložiti najpovoljnijeg ponuđača-pružaoca usluga.

Iz navedenih razloga donio sam odluku kao u dispozitivu.



Direktor

Faruk Muharemović, Mr.dipl.ing.arh.

Dostavljeno:

- Služba za javne nabavke
- Za objavu na web Zavoda i Registar JN KS
- Arhiva.



Broj: 07-45-4702/22
Sarajevo, 27.10.2022. god.

Na osnovu člana 20. Zakona o državnoj službi u Kantonu Sarajevo ("Službene novine KS", broj: 31/16), člana 13. Zakona o javnim nabavkama ("Službeni glasnik BiH" broj: 39/14 i 59/22), Pravilnika o uslovima i načinu korištenja e-Aukcije ("Službeni glasnik BiH" broj 66/16), Pravilnika o uspostavljanju i radu komisije za nabavke ("Službeni glasnik BiH" broj: 103/14), Pravilnika o radu komisije za javne nabavke Zavoda za planiranje razvoja Kantona Sarajevo („Službene novine Kantona Sarajevo“, broj: 75/21), te Odluke o poretanju postupka javne nabavke, br. 07-45-4702/22 od 27.10.2022. god., Direktor Zavoda donosi

R J E Š E N J E

o imenovanju članova Komisije za javnu nabavku usluge „IZNAJMLJIVANJE LICENCI MICROSOFT DEFENDER FOR BUSINESS“ za potrebe Zavoda za planiranje razvoja Kantona Sarajevo putem otvorenog postupka provođenjem e-Aukcije

U Komisiju za javnu nabavku usluge „Iznajmljivanje licenci Microsoft Defender for Business“ za potrebe Zavoda za planiranje razvoja Kantona Sarajevo, putem otvorenog postupka, imenujem:

1. Maida Zejnić – Predsjednik komisije
 2. Mirela Šljivo – Član
 3. Admin Mekić – Član
- Sekretar komisije: Edina Krnić-Ajanović

Za zamjene članova komisije i sekretara, član 3. Pravilnika o uspostavljanju i radu komisije za nabavke ("Službeni glasnik BiH", broj: 103/14) imenujem:

1. Jasmin Taletović – Predsjednik komisije
 2. Haris Čitak – Član
 3. Feđa Ševkušić – Član
- Sekretar komisije: Merima Mehonić-Dizdarević

Zadatak Komisije za javnu nabavku usluge „Iznajmljivanje licenci Microsoft Defender for Business“ je da shodno čl. 25. Zakona o javnim nabavkama i čl. 5. Pravilnika o radu komisije za javne nabavke Zavoda za planiranje razvoja Kantona Sarajevo, učestvuje u izradi tenderske dokumentacije, te provede otvoreni postupak predmetne javne nabavke i izvrši izbor najpovoljnijeg kvalifikovanog ponuđača. Kriterij za izbor je, shodno članu 64. stav (1), tačka b) Zakona o javnim nabavkama („Službeni glasnik Bosne i Hercegovine“ br. 39/14), najniža cijena.

Planirano je provođenje e-Aukcije.

Rok za dostavu ponuda na portirnicu Zavoda: 01.12.2022. god do 12⁰⁰ sati. Otvaranje ponuda istog dana (01.12.2022. godine) u 13⁰⁰ sati u Zavoda u „velikoj sali“.

Ovo Rješenje stupa na snagu danom donošenja.

O b r a z l o ž e n j e

Zbog povećanog intenziteta cyber napada na sve državne institucije u BiH, pa samim tim i Zavod za planiranje razvoja Kantona Sarajevo, neophodno je unaprijediti sistem zaštite od malicioznih software-a i od neželjene E-pošte. S tim u vezi neophodno je izvršiti nabavku „Iznajmljivanje licenci Microsoft Defender for Business“ za sve korisnike u Zavodu za planiranje razvoja Kantona Sarajevo, te za Serverske operativne sisteme.

Predmet nabavke nije djeljiv na LOT-ove.

Komisija za javne nabavke formirana je od zaposlenika Zavoda za planiranje razvoja Kantona Sarajevo, koji posjeduju relevantna stručna znanja i koja će, shodno Zakonu učestvovati u pripremi tenderske dokumentacije, provođenju postupka javne nabavke, te izvršiti izbor najpovoljnijeg ponuđača-pružaoca usluga i dati preporuku za donošenje odluke o odabiru ili odluke o poništenju postupka nabavke.

Nabavku predmetne usluge izvršiti u skladu sa važećom zakonskom legislativom, putem otvorenog postupka javne nabavke.

Komisija za javne nabavke će raditi u okviru redovnog radnog vremena u prostorijama Zavoda.



Direktor

Faruk Muharemović, Mr. dipl.ing.arh.

Dostavljeno:

- Imenovanim,
- Služba za javne nabavke,
- Za objavu na web Zavoda,
- Arhiva.